



壽齋遺稿 天

應製錄  
恩課錄

~16  
2397  
1



和門  
2397  
-3

壽齋遺稿總目

卷之一

應製錄

卷之二

恩課錄

卷之三

恩課錄

卷之四

恩課錄

卷之五



日得 聖語錄

卷之六

公車錄

卷之七

拾遺錄

卷之八

附錄

壽齋遺稿總目

壽齋遺稿卷之一目錄

應製錄

詩 四十九首

大殿端午帖 二首

臘享親行日奉和 御製

大殿延祥詩 二首

元子宮延祥詩 四首

大殿春帖 二首

元子宮春帖 四首

大殿端午帖 二首

中元夜齋宿內閣下 御製詩一首命在延閣臣  
賡進

陪駕高陽郡恭和 宸章

重熙堂親行大政日下 御製詩命在延諸臣賡  
進

大殿春帖

大殿延祥詩 二首

大殿端午帖 二首

雨後看瀑玉流泉奉和 宸章

陪駕至 永祐園 上以步輿周審局內岡麓登

拜峰山定補土役所承命恭和 御製詩韻

大殿延祥詩 二首

世子宮春帖

清漪亭奉和 宸章

大殿端午帖

文孝世子輓章 九首

秋幸賤臣病未叅班回鑾後承命攀和 御製

高嶺祈稔閣 御製詩韻承命追賡

雪夜召對玉堂官聯句

臘享日齋殿聯句

元子宮相見禮日恭覲盛儀聯韻志慶

東宮冊禮日聯句

秋幸回駕至德水川駐蹕命扈從大臣閣臣承旨

聯句

內閣聯句

表 三首

文孝世子冊封謝恩表

大殿賜物謝恩表

東宮賜物謝恩表

教旨 四首

內閣直閣鄭東浚教旨

內閣待教尹行任教旨

內閣提學吳載純教旨

內閣直閣鄭大容教旨

不允批答 一首

右議政金煜六度呈辭不允批答

祝文 三首

景慕宮追上尊號告由祭祝文

濬源殿修改時告由祭祝文

南原誕報廟修改時告由祭祝文

祭文 三首

永安都尉貞明公主致祭文

開城府崇節祠故府使宋象賢金鍊光故助防將

劉克良等三臣致祭文

遣督運御史祭海神文

銘 一首

冊禮賜硯銘

壽齋遺稿卷之一 目錄

壽齋遺稿卷之一

應製錄

延安李崑秀星瑞 著

詩

大殿端午帖 癸卯

昨夜黃梅雨微風殿角涼天時回午運邦慶屬重光  
賀醞新蒲灑朝衣細葛香堯眉從此展歧麥頌聲長

其二

講席爐煙合璇題殿日遲瀛班添妙選爭獻育我詩

臘享親行日奉和 御製

四時 太廟享無歲不親禮瞻慕齋居肅裸將 聖



孝新省牲纔臘日祈穀又來春於穆駿奔列羣情更獲伸

大殿延祥詩甲辰

元月元朝是甲辰千門和氣八荒春雙瞻殿壁添新帖識慶先從解撰人

其二

方春議賑貸宵旰為元元八路今年熟無憂我至尊

元子宮延祥詩

六宮和氣慶雲垂是日吾王供悅怡地闢春闈令

節屈衣添寶尺瑞暉遲羣情普係增磐泰邦籙無疆仰洽熙 睿質不煩師傅誨階冀新展驗新知

其二

豫建惟常禮元朝進秩宗延祥增第祿祝壽效華封問寢龍樓自橫經鶴駕從恭將帖子獻章四意千重

其三

閨闔春回捲繡簾祥暉排却大冬嚴邇班倍切呼嵩祝縟禮銅闈八域瞻

其四

集賢門外路高閣檢新書攢手彤庭賀溫文協令譽



大殿春帖

接賢多在萬幾餘蒼陸迎春化日舒 聖代卽今無  
闕事公車猶積諫臣書

其二

頒綵彤墀淑景移千門寶字貼春宜一年佳節三元  
日又是离宮晉接時

元子宮春帖

迎春蒼陸上銅樓堯曆新年慶夏謳初進綵花佳氣  
導漸長朱芾瑞光浮起居要與端方接僚友先從草  
野求盛事令辰齊獻頌聳瞻來日禮容修

其二

輔養明朝見新春迓百祥青陽開震邸朱芾叶离光  
堯曆貽祈永周詩頌俾昌願將五色縷繡進尺衣長

其三

仁政門開黼座臨方春惠愛入人深青宮帖子新年  
祝願學吾 王育物心

其四

葭灰噓臘白盤菜送絲青燕翼先躬教金華講不停  
大殿端午帖

吾 王明鑑覆幘蒙鑄鏡何須百鍊工幾月 宸憂

勞漢賑來宵禴禮薦殷宮撫辰政闡居高象亭午洪  
沾育物功彤筆今年書大有天心看取麥農豐

其二

天中佳節屆騰賀最摘文榮遍新袍賜恩沾摺扇分  
梅黃朝雨細竹醉晚風薰彩佩垂長命絲絲祝 聖  
君

中元夜齋宿內閣下 御製詩一首命在筵

閣臣賡進

九臯仙鶴一松青穆穆齋宵月在庭每歲中元迎駕  
至詞臣拱立八鑾聽

陪駕高陽郡恭和 宸章

輦路黃雲一色通龍旂初日滿天紅停鑾處處知  
宸意萬姓歡聲四野中

重熙堂親行大政日下 御製詩命在筵諸  
臣賡進

是日稱歡爲是堂溫綸擎誦聳班行恭知大德荷天  
祿豈待官人始迓祥

大殿春帖

延祥佳節近青邱海籌增吉慶前秋自豐穰每歲仍  
臘梅迎暖律宮柳褪寒冰舉筆微誠切千門寶帖登

大殿延祥詩乙巳

丹茨堯階報十春寰區洋溢我 王仁年豐倍切祈  
豐意元日元朝是上辛

其二

三殿朝朝問寢寧新年喜氣滿彤庭青宮政近闕筵  
日先遣宮僚習孝經

大殿端午帖

黃梅小雨麥風清簾幕時聞禁樹鶯菱鏡綵絲存故  
俗蒲花新泛萬年觥

其二

端陽佳節屬中天日永龍樓瑞靄連八路豐從登兩  
麥萬幾暇輒接三筵仁風紫闕瑤琴按喜色青宮寶  
筵宣舉筆敢言能補袞祗將華祝祝年年

雨後看瀑玉流泉奉和 宸章

香濕池荷近涼生欄瀑飛霈雲偏此地不醉敢言歸

陪駕至 永祐園 上以步輿周審局內岡

麓登拜峰山定補土役所承命恭和 御製

詩韻

鑿輿盡日度山迤鬱鬱松陰萬億基禮罷辭 園宸  
慕永寢官頻接下嚴遲

大殿延祥詩 丙午

斗杓東指帝出震一年佳節三元最萬戶千門換桃  
符瑞日初上雲氣藹羣公抃蹈丹墀下是日闡闔千  
官會 聖人端冕御法座巍巍至德惟天大堯堦奠  
英功化隆舜殿簫韶氣象泰春臺玉燭布深仁陶鑄  
洪纖無薄厚鸞掖近臣承渥久染翰朝朝侍左右金  
爐香濕朝袍惹玉珮聲來彩幡插疎才無能裨 聖  
代永日青綾抽箱笈但願今年復來年四方無事百  
祥集

其二

尺衣添繡五紋青前歲離筵講孝經 睿質自遵三  
善教仁聲已聳八方聆祥凝甲觀歡斟斗春滿銅闈  
仰耀星內閣詞臣新獻帖朝朝鶴祭問康寧

世子宮春帖

清晝銅龍漏刻長講筵頻接左春坊新年內閣初承  
候已擬琅函奉 睿章

清漪亭奉和 宸章

晚赴看花席釣臺更射亭一遊皆 聖度薰曲聳新  
聽

大殿端午帖

薰殿瑤徽午日舒金丹新降壽民書八域豐登徵麥熟牙籤頻對萬幾餘

文孝世子輓章

聖人有聖嗣天篤厥初生震索方膺慶萬明遂定名綴旒憂幾載磐泰樂昇平漢代歌暉潤吾東復頌聲

其二

造化昭休命羣祥奏一人紅光甲觀夜仙棗辛年春何況千秋節重符兩聖辰人心從此係天意詎無因

其三

睿姿元不世潛德卽生知愉惋形啼笑溫文在戲嬉未離阿保抱先具大人儀尚憶重熙賀端臨儼若思

其四

積雨新秋霽令辰寶冊颺神人俱舞蹈日月益輝光屏載賡詩盛堂瞻御扁煌岡陵餘舊祝萬事只摧腸

其五

嗚呼十一日欲語淚先沱天理寧期此雷歡忽變俄祗緣民不祿將奈國於何忍說瑤華夕刀圭恨更多

其六

十行宸翰降二字懿名垂俊慕盈眶淚琅音托夢  
辭那攀仙鶴遠虛報寢雞悲最是吾王孝無言慰  
聖慈

其七

誰言玄隧近十里香南垞哭巷連三輔朝山走百靈  
素帷悽夜色哀鐸咽晨聽明器無他玩重陽舊孝經

其八

馱醫分兩局頒劑濟羣黔黃帝論方意文王及幼心  
覃仁宜受報貽戚竟難諶天視元民自申休佇迨今

其九

雷肆初閱歲下番卽小臣獲陪天北極先觀日重輪  
未作橫經士空悲草輓人端陽恩賜筵一展一沾巾

秋幸賤臣病未叅班回鑾後承命攀和御  
製丁未

每歲鑾輿拜寢園吾王繼述孝為元松杉老大  
攀遺澤霜露凝清感至尊輦路無塵晴日日田家  
有慶樂村村微臣獨阻陪班後追和雲章亦聖恩

高嶺祈稔閣御製詩韻承命追賡  
小閣重臨記昔年萬岡環後數疇前鑾聲止處農謳

發遍野黃雲一色然

雪夜召對玉堂官聯句 癸卯

御製

簾頭瑞雪集縱橫均着高低大地平

積得空濛渾是氣飛來疎密不聞聲 臣仁 瑤墀凍

合千條勁玉宇光添五夜明 臣崑 瑄裏葭灰隨暖

律閣中梅影較寒英 臣兢 近臣踏玉初登陞遠樹

搖花欲滿城 臣鼎 三白徵豐行月令一陽來復叶

宸情 臣序 咏詩誰任韓公重攀什恭知舜殿賡 臣崑

秀 在地雷鳴開泰運自天香濕荷新榮 臣鼎 關心

部屋將垂綉寓慕羹墻仰展誠 臣仁

御製

授簡梁園真卽事不妨蓮燭坐深更

臘亨日齋殿聯句

御製

夙戒龍旂大饗承

宸誠不憚沍寒凝天時夏蜡方廻節 臣有 王政周

凌已納冰慕切羹墻躬歲禴 臣良 禮殷鍾磬薦冬

烝黃流氣與心香注 臣尚 朱瑟歌將駿烈登此日

肇禋光 臣有 自天純嘏錫孫曾享期未到

誠先篤 臣志 齋夜方闌念彌兢萬籟收聲更漏下

臣祐 千官整佩月星澄玄端穆穆愀如見 臣豐 第

祿洋洋降不勝壁揭璇題思益永 臣憲 延賡寶什寵

徒膺邇班倍覺今宵幸臣時 盛禮長期每歲仍天

為降監寒自退臣崑 人爭歌頌日方昇元春更擬

祈年夙臣行

三白先占大有徵

元子宮相見禮日恭觀盛儀聯韻志慶甲辰

環陛欣瞻岐嶷儀禮行今日萬年基鄭民 珠旒臨殿

回宸笑朱芾當筵儼徐有 應在燕閒勤四

教將開鶴禁繼重离金軌 佳賓初接羣情聳綿籙方

新盛禮遲李崑 顛仰已知衣尺長步趨將見珮瑜垂

源黃景 洪休久識堯臨日第祿今徵稷幼時徐命 姿挺

御製

御製

溫文天乃錫教存蒙養業重熙徐浩 四重歌叶騰輿

頌千一河清啓聖期徐龍 亭午春陽融尺雪天心看

取日辰知鍾

東宮冊禮日聯句

吾家大慶每今年

金尺洪圖萬世傳 列祖深仁基業厚缺 皇穹垂

佑本支綿唐堯瑞甲回新籥臣存 軒帝樞星耀舊

躔丹棗奇徵方驗古臣命 黃華 聖節又符前怡

愉喜氣融 三殿臣微 蹈舞歡聲動八埏天意可

占生質異臣樂 人心已繫定名先官緣輔養瞻光



屢臣福源位忝賓僚覲德專海潤河清謠頌盛臣景源

禮成樂備節文全周邦瓜瓞徵岐嶷臣命夏啓謳

誥識敬賢日表溫文欣夙就臣鍾秀尺衣端穆仰齋

虔龍樓繞綵閣宸笑臣載純鶴禁橫經待胄筵早

諭身先三善教臣浩廣恩徕許一年蠲七章服進

輿情登臣志儉貳極門闕寶冊宣青邸迓休承出震

臣有朱陽繼照協重乾需雲同樂均霑渥臣祐岳

牧齊歡各奉箋日午重熙瞻寶額臣缺春回八彩擁

祥煙陽和普澤覃編戶臣載瑣保傳新書講細氈節

近流虹騰華祝臣龍輔綸頒貽燕誦周篇宮壺拜賜

恩濡首臣東浚班笏環瞻喜聳肩千一史應書簡策

臣崑秀四重詩合載笙絃賁成縟禮呈鰲扞臣行蒙

養新工在燕涓率土胥歡爭祝斗臣載經自天申錫

又如川仁聲及遠咸顛若臣在學彝典遵先復煥然

化景初舒遲午漏臣致中休徵方至驗秋田天成

睿表如升旭臣時秀日就新知譬達泉星會兩行齊

翠弁臣鎮興雲成五彩護青縵傳臚禮舉三呼動臣有

臣防志喜歌賡百韻聯恭進寶圭承拜跪臣文源齊鳴

玉珮備周旋今朝快覩爭眸拭臣祿三載同祈幾頸

延瑞靄初凝雙鳳闕臣承祖祥風徐拂五花甄欣均

左海歌無競臣謙壽獻南山頌不騫蒼皞象輝排

陛仗臣有明离叶律奏庭懸歡情此日同跋蹙臣濟

遠和氣如春及宵螟 睿德新模文賁竹臣集鴻

名肇錫譜添璿元知是禮三王自臣晉咸曰吾邦

萬事圓雷肆末班榮亦極臣東緋衣副价寵仍偏

初貽哲命雙函奉臣履上報洪庥五册鐫節屈中

元辰既吉臣魯福膺皇極慶相連將傳 聖主心

精一臣在可卜 宗祊業萬千物色政當秋有實

臣一工歌相與樂無邊衢謠可但民情見臣有

御製 是日晴明又識天

秋幸回駕至德水川駐蹕命扈從大臣閣臣

承旨聯句

御製 駐馬黔巖路

恭瞻 御製碑天清溪水活臣命霜早岸容奇萬

幕平郊迥臣有千箱瑞穀垂祥光迎禹甸缺喜色

上堯眉繡旆輕塵動臣東仙韶霽日遲見羹伸

聖孝臣行宣飯軫羣飢幸值風雲會臣鍾均霑雨

露私竹苞松茂詠臣龍蘭秀菊芳時晉接交簪珮

臣志從容似殿墀今年增 聖慕臣崑此地啓洪

基謠頌播倪耄臣祐輝光載路歧遲遲仙蹕發臣載

經 肅肅羽旄儀獲侍停鑿席臣願同懽賜醞卮昭

回 宸翰揭臣載蠲貸渥恩推夏豫元徽度臣浩

虞賡愧鹵辭貢誠筐或獻臣詢瘼仗頻移大有秋

呈瑞臣時中元月滿規寵光前席遍臣興佳氣近

城知盛事堪誇後臣載

御聯成五字詩

內閣聯句 丙午

御製小序曰是日御摛文院親試抄啓文臣仍設三  
製于院門外夜與閣臣聯句徐判府事兩文任兩副  
學亦與焉二提學直閣新叨閣銜下句及之

御製

宮樽咫尺永今宵

春意方闌萬品昭化溢菁莪來吉士臣命歡騰徵

角賦新招身依日月恩光遍臣地近蓬萊瑞色饒

玉輦迴時初整笏臣浩璇題頌處聳環橋花知好

雨紅抽萼臣崑柳擺輕寒綠漲條法醞周沾移院

燭臣鼎賡歌齊獻替衢謠門開六六和風轉臣行

節屆三三淑氣調銀漏丁東稀報箭臣祐奎躔辰

北迥聯瑤弛張有道逢佳會臣秉陶鑄無私荷

聖朝官忝條冰如履薄臣大手擎雲漢似登霄曰

生大德符義易臣命咸戴羣情祝帝堯翰墨才疎

慙授簡

臣有

笙鏞治洽悅聞劓寵陪宣室叨虛席

之

臣豐

餉出天厨邁貺昭盛事閣中誰解撰

臣尚

**御製**

嘉賓添爾兩仙僚

在筵者二提學趙琰原任直提學徐浩修二  
 直提學朴祐源原任直閣李秉模徐鼎修直  
 閣鄭大容待教李崑秀檢校待教尹行任判  
 府事徐命善弘文提學徐有隣藝文提學李  
 命植原任副提學沈豐之趙尚鎮

表

文孝世子冊封謝恩表

甲辰

陳豫樹之至懇控于大邦荷渙發之德音建爾元子  
 慶延先緒榮及冲齡伏念誠切拱辰化沐漸海萬里  
 筐篚粗效奉正朔之忱五紀曠蒙每仰視內服之眷  
 屬藩邦幸舉冢嗣而封典猥丐皇恩承先臣錫衍之  
 休罔非皇靈攸暨仰聖王繼體之德竊冀君命以將  
 定一國之本係百姓之心敢曰邦禮之有據頒十行  
 之綸加七章之服庶幾人欲之必從何圖賤价之纒  
 回迺蒙明旨之遙降不煩禮部之議斷自重宸旋發  
 詔使之行曾未數月郵傳豫報軫遐陬顯企之微忱  
 近臣臨宣示大朝特派之至意隆恩既出於優待珍

貺更荷於便蕃基業永綿奚止輦國勢之幸冊誥祇奉實爲慰親心之方屈指之餘攢手而謝茲蓋伏遇萬方歸王一德享天躋寶籌於八旬詞臣獻德符之頌敞法讌於千叟黎民囿惠養之仁遂推鴻私遠被鰥域敢不俯勉職貢仰答寵光星軺東來敢忽郊迎之禮天陞北望倍切華祝之誠

大殿賜物謝恩表

慶溢域中拚寵誥之遙降恩出格外荷珍賚之特宣今古殊榮父子同被伏念謹守侯度久仰皇慈覆燾澤深長霑一天之雨露朝宗誠切不隔萬里之海山

豈意冊嗣之辰廼蒙加恩之賜鏤寶字於崑玉勝似前歲之初頒襯錦文於洋氈別是內府之希品華誥祇迓喜深七章之新加琅函催閱感逾百朋之殊錫恩至渥也心焉蔽之茲蓋伏遇壽齊升恒德協健順輦億載秦磐之業耀武修文受萬方玉帛之朝薄來厚往遂令逖矣藩服亦被賁然寵光敢不稽首拜嘉銘骨圖報隆私荐荷愧無稱塞之方短表重陳粗伸叩謝之悃

東宮賜物謝恩表

皇華將命寵貳邸之新封稚子蒙恩侈內府之珍錫

既德其物又與爾齡伏念幸藉皇靈獲舉冢嗣綿祖  
先相承之緒夙係輿情賴天地曲成之仁適完榮典  
宣冊之嘉命賁降踰格之寵賚隨頒儼然法相一尊  
冠雙璧之寶玩粲乎文房四友兼七襄之瑞紋至若  
期壽之德音尤荷及幼之至意仁推錫福仰聖王酌  
斗之規恩出貺心邁詩人弄璋之具惟天期待外藩  
之禮古有是不雖小邦爲冲子之情何以加矣事曠  
違牒感均遐陬茲蓋伏遇庭衢八荒幘幪萬品躬致  
五十年治化允叶大猷思與千百國民生共躋壽域  
遂推殊異之渥亦及提抱之中敢不手擎瑤函口誦

丹絳筐篚玉帛豈報答之稱誠父子君臣惟拜稽而  
獻祝

教旨

內閣直閣鄭東浚教旨

癸卯

王若曰奎壁啓千載之運肇置秘府清班黼黻須一  
代之才最說直閣峻選隣瀛洲而奉宸翰職兼橫經  
掌芸館而撰王言責專視草惟予設是閣而分是職  
奚但榮其人而重其名恩禮意有所存蓋多士佇期  
觀感遴選指僅歷數惟宿儒當處深嚴一條冰銜旣  
倣龍圖故制三清仙府近成豹直新規爲任顧不重

歟捨爾當屬誰也天曹政府素知雅望之且優西壁南床更許華貫之歷踐毋負委任之眷益勉砥礪之方

內閣待教尹行任教旨

王若曰奉雲漢之宸章肇開學士秘署掌奎壁之仙籍最重待制清班迺矚簪筆之臣庸昇視草之任才不稱則官不備豈徒華榮資逾卑而望逾隆曾所難慎從此內閣之列添得一箇之英朝夕置傍喜妙年之佳士春秋抗義緬故家之遺風誦讀書樓飽閱萬編之緗帙翺翔禁直增重一條之冰銜

內閣提學吳載純教旨 甲辰

王若曰官不備而惟人曾所難慎我有爵而縻爾豈徒華榮顧內閣官凡六員惟直學選極一代試製講而撰辭命職事則弘文藝又掌編次而貯圖書謨訓則堯典舜典芸閣之華貫新帶一條冰銜花甄之舊步重尋隻日秘直風儀足警流俗宜勤三旬之考功地望既處右僚佇見一院之取式設置已多年所規模則待後人銅綬飛鳧昨日南城長吏牙牌乘駟今朝西掖仙宮

內閣直閣鄭大容教旨 丙午

言齊遺和之卷一  
王若曰書不云乎官不必備惟其人閣臣予所與朝夕也無啓沃獻替之責而三書晉接討論今古則有似乎漢石渠唐瀛館非出納喉舌之職而隻日更直代撰詞命則反重於宋樞密明文淵予以作成人于以矜式朝端所講劇者義理所砥礪者名檢非直為笙鏞黼黻聳動一代之觀聆而已居是職者可不慥慥云乎哉若其設閣之義置閣之規閣有志可以觀己凡閣臣之新拜輒以教旨宣示槩倣乎古之制誥也夫其職重故其選峻望之也深故勉之也切從此摛文院班聯添一佳士想來故直學風度如見其

人予以待故直學者待爾爾亦勉守家風克趾前美毋使是官有非其人之歎

不允批答

右議政金煜六度呈辭不允批答

癸卯

王若曰異牘又上卿何困予至斯渙諭由中予實捨卿不得過讓迄可休矣誠意或未孚歟念茲時虞之方殷誰與國事之共理三公相繼引退久矣台席之生塵萬幾無所倚毗茫如巨川之失楫五日籌對殆閱月而稟停八路簿書奈無期於覆奏惟大臣有體國之義况今日非丐閒之時顧予委任之隆惟卿夷



險之節西城古宅至白首不改雅規中書半年惟素履可範頽俗言必稱於古昔感卿款款之忠禮不替於始終篤予眷眷之意方期盡瘁之責胡遽引疾之章當皇壇致齋之辰幾勞其庶之望逮王府胥命之報徒切莫諒之嘆卿雖至六告之勤予則無一俞之理股肱之托倘念義可去耶心腹之諭屢宣辭已竭矣乍入旋出前輩之已例固多先公後私大官之自處尤別一節素著於辭樞縱嘉雅志之避榮三晉久曠於登筵奈此時事之靡托鎮日藥院之書啓已謨美疹之差蘇浹旬近侍之相隨盍念國體之傷損

宜亟幡然而起益勉國耳之心於戲進退皆憂何必江湖之遠引去就惟義難容巖廊之久虛卿其思三予不言再所辭宜不允故茲教示想宜知悉

祝文

景慕宮追上尊號告由祭祝文

冊印穢扇蓋改備兼告○癸卯

於皇睿德顯顯其光仁聞夙彰駿聲彌長小子嗣服式藉冥庥笄笄銜恤越二十秋初元上號禮不稱誠痛纏穹壤慕俊墻羹餘慶攸篤錫我祚胤業鞏磐泰頌騰輝潤曷以報本惟有摹德詢庭既同載颺顯冊加隆長樂寔體睿孝慈徽并闡子職粗效縱

叶情文敢曰揄揚印楫扇蓋亦新儀章涓吉告由俛  
仰增愴尚冀洋洋俯垂鑑諒

濬源殿修改時告由祭祝文

甲辰

沮漆之源濬發其祥山秀水明地久天長門廊滃彩  
涓吉繕修禮當權移敬告事由

南原誕報願修改時告由祭祝文

於赫王靈佑我東方秋霜凜節日星齊光歲時香火  
隨處致誠帶方城外遺像肅清赤兔青龍如水在地  
二字華額敢曰表意昨拜東廟餘懷焯焯朱袍紋筦  
煥然新整有事虔告於禮則然爰命藩臣祇薦豆籩

### 祭文

永安都尉貞明公主致祭文

癸卯

緬惟貞明實稟肅雝愛鍾 兩殿譽洽六宮居貴愈  
謙履艱終泰穠華播謠喬木叶配鳳凰鏘鳴琴瑟靜  
好晚而受祿積則必報芳範雖邈餘慶彌承有奕簪  
纓無替雲仍每侍 慈闈益深愴思歲甲適符司馬  
有喜慶溢家國感紆今昔佅官薦祭冀靈歆格

開城府崇節祠故府使宋象賢金鍊光故助  
防將劉克良等三臣致祭文

天挺節義萃于崧陽竹橋高風北洞清霜山河正氣

言苑通利卷一  
百年遺芳歲在龍蛇亦我三忠蠢爾島蠻蹂躪吾東  
孤城月暈列郡風靡卿獨奮身視死如遺一亡萊海  
泰山鴻毛聊城援絕睢陽氣高朝衣北望慷慨一言  
精靈上薄紫氣南門南朝侍郎虜亦知名恩褒渙發  
永垂風聲協心殉國亦粵虎臣投袂淮陽洒血臨津  
勢急封豕義決取熊誓心秉節不謀而同天地一呼  
日星高明登舟士雅罵賊杲卿大樹飄葉湍水鳴波  
同時匹美義士何多培養有素 聖朝神功俎豆棹  
楔崇報架隆萬古三節一體孤祠邑人猶說非子伊  
誰地非立殫感由式閭如水在地英靈攸居故都遺

忠靡不褒欽伊人之想此時益深倅官薦祭倘歆一  
斟

遣督運御史祭海神文

湖嶺之交際以大海一葦可杭朝發夕待惟湖告飢  
民將壑填嶺粟西輸厥數十千遣使督運不日舉帆  
重貽民困恃有神監曩禱南溟東指利涉均我赤子  
靈應必捷泛彼中流祥飈颭旗卽祀于傍神其格思  
銘

冊禮賜硯銘

甲辰

周庭發冊夏州貢石受言藏之不磷不泐

壽齋遺稿卷之一

壽齋遺稿卷之二目錄

恩課錄

賦 五首

探花宴賦

日照龍鱗萬片金賦

爲此春酒以介眉壽律賦

麥秋賦

閏月定四時成歲賦

詩 二十九首

可以處臺榭

清水出芙蓉

華山

疎雨滴梧桐

旋隨新葉起新知

鑑湖

箭箭中紅心

放夜

吾家大慶每今年

明朝有意抱琴來

岸容待臘將舒柳

金貂換酒

此日中流自在行

聽蟬懷高風

且看寒花晚節香

嚼梅蘂

山意衝寒欲放梅

包橘

好雨知時節

馬上逢寒食

燈市行

白牛溪

無絃琴

藕花無數滿汀洲

復賜酒一石肉百斤

池葉極青錢

誰不駐年光

班馬政

魚躍龍門

表箋 二十四首

擬唐武平一謝手勅批詩更賜花一枝與前所賜

花一枝並令挿頭表

擬唐馬周請必欲為長久之謀不必遠求上古但  
如貞觀之初表

擬本朝內閣臣謝賜繫馬樹棗箋

擬宋孫奭謝於講說命之日諭以天以良弼賚商  
朕豈獨不得耶表

擬唐羣臣賀國子博士韓愈傳語燕趙士謂以明  
天子在上可以出而仕矣表

擬唐翰林供奉李白謝於白蓮池宴羣臣之日不  
治呼來不上船之罪仍使黃門扶以登舟表

言類事卷之二  
三十一  
擬宋楊億謝賞花釣魚宴之日聞貽館閣詩卽命直集賢院遂預晚宴表

擬本朝偷膳掖隸三人謝於喉院口供之日特命不治竊雉之罪仍賜三首雉使各一飽箋

擬宋民人等謝於上元前一日御樓賜醕遣黃門宣諭以朕非好遊與民同樂表

擬唐河南叅軍韋宙謝覽元和實錄諭宰相以韋丹有子否可與好官表

擬本朝抄啓文臣李勉兢金啓洛金熙朝成種仁等請治諸文臣應製不致慎之罪俾知朝家勸課

之本意箋

擬本朝高陽民人等謝於獻筐之時諭以物旣不腆誠足可嘉不受足矣不必治猥屑之罪仍命畿營慰諭以遣箋

擬本朝羣臣等賀於甲辰八月二十九日御仁政門受朝叅諭以是年是月是日臨是門受是朝寔寓踐位行禮之意箋

擬漢沛中父老等謝於駕過沛中之日作大風歌令里中兒和習之表

擬本朝抄啓文臣李晴謝於改名之日諭以四改

言齊道和入卷二  
名字字義音響俱不若舊名仍以晴字名之箋

擬周羣臣賀有聲表

擬本朝羣臣賀於鵬日御春塘臺兼行抄啓文臣  
講製宣傳官射陣諭以每年歲終輒行文武勸賞  
之舉而今日卽蜡日也寔寓古聖王一弛一張之  
意箋

擬宋著作郎張方平謝於召試館職之日諭以是  
非兩策制科者乎何試也命直集賢院表

擬唐翰林學士柳公權謝於御筵賡詩之日覽薰  
風自南來殿角生微涼之句屢加稱賞仍命書諸

壁表

擬唐虞世南謝諭以行秘書表

擬宋羣臣賀趙抃知越州之日米價踊貴獨揭榜  
衢路令有米者任增價糶之於是諸州米商輻集  
米價更賤民無飢者表

擬漢張良請借前箸箋

擬周呂尚進璜箋

擬宋羣臣賀嘉祐多士歐陽脩之功表



壽齋遺稿卷之二目錄

壽齋遺稿卷之二

恩課錄

延安李崑秀星瑞 著

賦

探花宴賦

四學齋任儒生  
應試○壬寅

馬蹄疾於九陌看盡花於長安英才多於育莪盛事  
傳於賞蓮皇恩侈以好花不亦樂乎探春既盛宴之  
同賞所嘉名之肇錫朝射榜於天門摠賢俊於桂籍  
紛躍鱗於龍門爛題名於黃甲梧桐生今鳳鳴最明  
廷之佳彥天顏喜於得士新有命於曲宴虞歌和於  
景星漢會同於需雲清遊貴乎翫景將有事於良辰

瞻杏園之在左淑氣媚於千林紅蕖映於繡袍錦叢  
撲於雕鞍春工亦其助喜又多花於此間華筵高於  
紫禁得意遊於少年吟清詩而寓興醉芳樽而託恩  
春光畫於太平喜有人於仙李攀第一之高枝競掇  
簪而相語自焚膏而讀書期今日之探花嗟灞橋之  
歸客揔無心於花鳥簇花輒而如堵應謂我以仙郎  
天既假此勝時又重之以寵光紅紫爛於頭邊花朵  
朶今恩榮春光滿而不盡又佳會於慈恩鳶魚樂而  
作成願此會於年年憶昔年之下帷園有花而未窺  
今吾看此異卉宿債留而可了風流動於一代可不

傳於千秋諸公皆有文章最能詩於元白

日照龍鱗萬片金賦

抄啓課試  
○癸卯

山龍穆其畫日照萬國以無私堯宮闢而午運陳橋  
盪而祥暉曦將出兮蜿蜒光陸離而成章擢六龍之  
初日較雙南之秋光龍之靈也隨時寓諸氣而爲容  
鱗三百而則長德九五而正中雲常從而雨噓蓋變  
化之萬狀隣扶桑而出遊浴初成於金烏鯨波紅而  
海濶鰲背蒼而天齊彌六合以曜靈時大人之潛蔽  
蹇飛騰而照耀遇神物而相盪回秋風之動甲與旭  
日而爭光乘中黃而象德曜相射於天門雲徒奇於

五色月能分於萬川玲瓏處而受光互盪磨而騰彩  
領珠吐而欲動振麗水之精華鱗鱗動而一色煥爛  
燁其躍爐初迷離而出地倏翻騰而升乾依夏廷之  
負舟笑草堂之卧鱗金盆騰而璨爛光片片而若碎  
將三品而暗投繞全身而都是合兩光而成文影空  
明而互澈光箇箇而各具宛海物之維錯竿初高而  
散萬雲亦噓而成五波濤養而粘天偷餘光而成金  
固日色之莫尚况龍光之相添回羲御之萬丈俯齊  
州之點煙惟芒山與大澤盖矯矯者若斯潛在淵而  
戾天撫三光而遐思雲漢映而昭回識龍章於遺詞

爲此春酒以介眉壽律賦

命韻稱彼兕觥萬壽無疆課試〇乙

巳

述夫山樞歲晏場稼豐登男舂梁而索綯女績麻而  
挑燈康衢騰順則之謠氓俗蚩蚩不識薰殿服解愠  
之化帝德巍巍無稱於焉爾界此疆瞻犁星而叱牛  
春耘夏耔帶扈雨而荷耜一之日二之日既先公而  
及私上平田下平田爰鑿斯而陟彼時則八口之家  
五畝之里天降康年之祥人有田峻之喜前宵報賽  
禮敢緩於烹羊社日登樽器則用其觥兕於是同我  
婦子速及友生香粳炊而粟飯露葵折而蔥羹稻梁

正肥先思哺烏之義肴核孔潔纔舉獻研之觥更有  
土鼓鼗鼗籥舞蹲蹲挹彼行潦之清收我黃茂之畹  
北堂之萱言樹宜娛皓髮韶顏南畝之黍既多已致  
倉千箱萬遂乃美醞三升新秣數斗粒粒甫田之禾  
欣欣太和之酒洗酌奠筭何不以邀以遊鼓瑟吹笙  
展也多福多壽相與塞向墜戶樽携挈壺薄言既醉  
且飽何必無酒以酤高堂對北斗之樽農夫胥慶於  
秋有役車迄東作之事良士好樂而荒無少焉獻壽  
交錯飲酒樂康觀重糝之納圃聽蟋蟀之在床今夕  
濡首之情宜家宜室明春舉趾之苦我理我疆亂曰

曾孫有慶詩人攸稱耕田鑿井原隰在彼有有有酒  
山雞水兕滌場穫稻上堂揚觥獻壽非一頌禱於萬  
宜言飲旨如南山壽入室謀婦何有何無自今有年  
其樂奚疆

麥秋賦

課試比較  
丙午

槐陰濃而薰颺聲在樹而凝清朱明屆而按節黃鳥  
鳴而媚陽是月也而麥黃別有曆於農家橋兩歧之  
垂穎認一氣之如秋三秋後而滌場麥四月而爰採  
經大冬而托根歷陽春而吐穗瞻青青之在陵最靈  
秀於百穀時南郊之司令乍玉宇之澄廓黃梅潤而

辟暑細葛飄而迎涼微風颯而夕起是何氣於北窻  
無白露之滴墜忽黃雲之遍野鳴蜩亦其唧唧悅蟋  
蟀之入戶農謳歇於四郊繁懞懞之是獲畦蔥香而  
午炊園葵熟而朝摘麥斯時而登場謂之秋也亦宜  
非葭灰之測候異井梧之先秋西天映以大火定授  
衣於何時蒸雲堆而不流語其時則南維乘大麥之  
告登得素秋之流輝時尚遠於鴈過工已訖於兕稱  
丘有麥而克秀奄已觀乎西成收登地而爽塏雖非  
秋而亦秋農人告余秋及指綠浪曰黃華曾三白而  
驗豐節何待於納稼先禾麻而發穎嘉我麥之旣茂

徵上瑞於螭鳴導金神於鶉火瞻夏畦之有苑尚未  
了於耘耔前村歌以打麥麥畝外則皆夏續上田與  
下田宛颯颯有秋意歌土鼓而賽神秋一番而又至

閏月定四時成歲賦 親試

茅宮邃而捍左詔六龍使迂轡冀何爲乎未落灰又  
異於剩飛遂於是乎定朔肇以閏而名之甄分度之  
有羸俾時序之無愆天平分以四時元有閏於曆前  
軒消息以剏法義奇耦以演數先天運其日月歲功  
成而無爲然氣數之不齊奈推步之多違三光亂於  
軌躅四序錯於耕播時冉冉其互差何以導夫中正

皇穆穆而代天拊銅渾而推象察運行之疾徐悟旬  
朔之盈縮參乾象而既著在璇璣又靡忒曰天機之  
如此非置閏則莫可儀分刻於曆曆筮耕稼於炎教  
收衣煌其對越詔羲和曰欽哉惟時重而月重是歲  
餘而日餘分大小於十二置一再於三五斯其所以  
曰閏於歲功而何有崇天候而祇承順人工而均布  
春與秋其代序曰是閏以歲行續黃道與赤道爛宵  
中而日中民莫得以強名帝曆象而授令登瀛典而  
上下想神堯之遺軌出震維而建極闢草昧而莅黎  
候多舛於古甲時亦重於授民欽天餘而曰咨以閏

月而茂對揆盈虛之至理定時歲之成數伊三百與  
六旬歲自行於其中拚璇題而拜手覲是閏於吾東  
詩

可以處臺榭

課試  
癸卯

明堂九室面南開午日中天瑞運回政喜薰風來舜  
殿豈徒雲物察周臺居高直近三清界氣爽渾無一  
點埃夏葛冬裘隨處異厥民因析任天裁

清水出芙蓉

親試  
比較

池塘清且淺初日照芙蓉水外天然質花中君子容  
亭亭塵氣絕灑灑露華濃月色添奇事紅粧影萬重

華山 親試

陳橋昨日事一笑拂衣還丹鳳休銜詔白雲自悅顏  
肯為歸馬地好作牧羊山掃石花陰靜烹茶鳥語喧  
從他四海晏分我一區閒春睡遲遲足仙臺幾日關

疎雨滴梧桐 親試

小庭蒼翠晚濛濛白雨霏微散碧桐荷露影團初滴  
處盤珠聲大亂跳中瑤琴濕盡驚棲鳳金井寒催送  
早鴻十二闌干徙倚久滿簾秋色正玲瓏

旋隨新葉起新知 課試

芳心相續綠如紉一葉纔抽一葉伸露砌細尋生意

發晴窻益驗靜工真潛滋好雨方舍動快展光風便  
覺新欲識聖人觀物法滿庭交翠四時春

鑑湖 親試

有錢不用買江湖管領皇家一幅圖波濶四邊平似  
鑑沙明十里淨疑鋪詔書新許跨揚鶴遯跡誰能繫  
谷駒始識煙霞真有待終教風月莫相孤鷓鴣借樹  
幽棲穩魚鳥為隣晚景娛醉後黃冠眠水底恩波添  
酒滿金壺

箭箭中紅心 課試

彤弓初設射候深一貫工夫箇裏尋揖讓元知君子

事準程尤驗聖人心發時平直丹田炳中處分明白  
羽沉斜日晚風鼓聲動花籌新令罰觥斟

放夜

課試○  
甲辰

元夕稱佳節千街樂此宵金吾三夜弛銀燭萬枝燒  
不妨人如海將何月滿橋昇平知有象簫鼓答清朝

吾家大慶每今年親試

寶位光升冊禮宣吾東今歲是何年飛龍啓運堯冀  
屈繫馬符祥漢業綿邦慶無疆從此始天休有待若  
今偏前星每耀重陽月繼繼洪圖萬世傳

明朝有意抱琴來

親試

君歌我嘯摠無心籠鶴尋常報好音客滿花籌傾北  
海興來剡棹下山陰莊生曉夢方交蝶叔夜佳期更  
喚禽隨意何妨頻倚几披襟應許更論琴高山流水  
明朝約朗月清風此夜尋自是幽人無俗事一年三  
百定如今

岸容待臘將舒柳

課試

先春梅放閣至日一枝疎吹黍韶光漏抽芽淑氣嘯  
欣迎殘臘色潤展大冬餘會待清明節黃金御柳舒

金貂換酒

課講比較  
乙七

沉香亭上鬱金銷學士尋常一斗朝漉葛正酣壚下



睡典衣何待市十邀盈樽大酒斟紅友滿袖清風解  
綠貂乍倒玉山花落井亂揮雲錦面生潮不妨快意  
劉伶鍾更擬留期子晉簫白也生涯渾是醉藏名酒  
肆樂逍遙

此日中流自在行 課試

早歲乘瀾學海舟水壺激灑接天浮穿來急峽迷万  
向宛在澄江自去留一任輕風吹水面好隨明月到  
源頭塵渣淨盡真機好一葦東西縱溯流

聽蟬懷高風 課試

離懷秋易感高樹又鳴蟬響滿青山屋人遙白露天

一般清意思何處寄林泉落日聲逾靜移筇上釣船

且看寒花晚節香 親試

粲粲黃金映曲欄東籬佳色十分團春歸寂歷羣芳  
歇霜後慙慙數朶看傲氣祇應宜淡泊晚香偏愛帶  
輕寒老夫種菊還多意更把疎枝插滿冠

嚼梅菜 課講

蘭露菊英節過纔主人無事繞簷迴香房破臍先春  
漏疎辨迎寒待雪開調鼎會須尋氣味泛罇何妨啜  
胚胎邵翁玩易同真趣契活山家有小梅

山意衝寒欲放梅 課試

言補遺和卷二  
萬木蕭森大地寒羅浮消息上簷端  
九一  
萬木蕭森大地寒羅浮消息上簷端  
老透破香房白玉團北陸先春噓  
暖氣南枝排凍動人看微陽一  
脉知天意喜見名花趁歲闌

包橘

親試

浮于淮海度由嶠萬國瑤筐達四郊  
霜後摘來金顆熟日邊遙獻白茅包  
生從楚戶叢搖落擎出宮盤色映交  
嘉樹南州霑雨露洞庭不盡貢香苞

好雨知時節

親試  
丙午

東皇昨夜好風吹潤物神功驗授時  
一點犁星明屋角十分春意在花枝  
輕陰霽霽禽相語靈雨依微柳

欲絲不寐農家聽簷滴沉沉清夜動深卮

馬上逢寒食

親試

花雨江村路羸驂客意闌忽驚佳節  
屈宛是暮春寒紫陌初蒸杏青帘競  
佩蘭芳辰如過駟遊子尚征鞍着處  
繁華競今朝行邁難故園垂柳綠立  
馬問平安

燈市行

親試

長安大道平如砥翠竿家家雲霄騰  
傾城士女聯袂出共向街頭繁華矜  
金吾放鑰通三鼓鐵馬鳴珂過五陵  
是時年豐樂事多十二橋頭浙江燈  
浙江從古燈爲市上元燃燈佳俗仍  
九陌青帘彩毬蟠萬枝紅

言補遺利卷二  
一  
紗火雲蒸大燈小燈形形奇箇箇絡以青絲繩千門  
萬戶光照耀珠星錯落連觚稜廣陵觀燈天下壯紅  
雲一朵瑤皇承九重香煙政袅娜三五月色何鬢鬢  
今宵大酺民物殷翠華咫尺丹墀登鰲山鳳輦眼中  
高滿天華燄懸層層飛塵冉冉香車動過雲清歌響  
春冰氓俗競鬪佳節戲宸心端喜昇平徵街童拍手  
巷兒舞滿酌華筵春酒澠縱有燈光隨境幻今夕何  
人不夜興轅門鼉鼓奪關將梵宇枕鐘照佛僧可使  
時平人共樂夜夜張燈詎不能貧家一碗長太息所  
以蘇狀千古稱吾儂四月燈市好寶炬端門瑞光凝

白牛溪 親試

送客河汾上何如過虎溪浣花流水靜馴鶴小琴攜  
白石曾畱咏青霞今作棲春風沂浴意飛沫自東西

無絃琴 親試

泠泠五柳宅三尺古昭琴自有胸中韻何勞絃上音  
引風時作響對月好開襟世遠南薰曲瑤徽何處尋

藕花無數滿汀洲 課試

莫道芳菲歇幽香着晚葩田田荷子葉歷歷海棠花  
萬里春光暮三洲日色賒分明數朶發輕裊不勝斜

復賜酒一石肉百斤 課試

金門待詔客天上瑞星云應悔偷仙核何妨贈細君  
尋常宮醞醉絲絡內珍分宣室上書日黃金更百斤

池葉極青錢

課試

秋水芙蓉發香闌葉更鮮牽絲尖似筆浮荇碧連錢  
雨過纖纖立風翻箇箇圓花中君子質誰解愛池蓮

誰不駐年光

課試

玉燭春臺化晷旋六旬三百永今年黃楊落處籌添  
屋翠莢開時斗宿躔祝華願將延聖曆轉丹何待學  
真仙光陰自此知誰賜生老同歸壽考天

班馬政

親試

王政重差馬圍人承鳳綸蒐兵車甲選比物色毛班  
牽出三千牝分歸十二閑紫驪嘶玉陛喜氣上天顏

魚躍龍門

親試  
比較

海門遼潤露形容九萬風搏三百宗雲氣噓來波勢  
壯甲光翻處日輪形肯隨鱗介沉坳壑夫展蚌珠劈  
盪春顯晦飛潛皆造化豈徒魚躍學從龍

表箋

擬唐武平一謝手勅批詩更賜花一枝與前

所賜花一枝並令挿頭表

儒生殿講此  
較○壬寅

名動儕友愧蔑煥黼黻之譽詞感帝王更蒙賜花枝

言齊遺和之卷二  
之渥拖簪之日歛衽而言伏念臣螢窻舊工鴈塔新  
寵上清緣業安有折桂之才紫陌風光素有看花之  
約顧以藝苑賦百篇之跡曾蒙上林借一枝之恩風  
花之品題粗成不過騷人之末藝天香之物色初動  
猥荷仙葩之寵頒士林傳誇堪作篋中之珍玩瓊蘂  
長護不敢頭上之擅加屬茲微詩之仰塵敢期異渥  
之荐降華國之聲價徒竊實愧蕪詞之上傳楓陛之  
聖恩偏承難望桂宮之重入異氣濃馥已感受賜也  
多小吟啾啾寧懷微寵之望何圖勅批之宸獎更荷  
頒花之殊私寶墨煌輝實踰百朋之心錫錦叢璀璨

並許雙葩之頭攀雖我后華袞之褒特侈陋詞之進  
覽顧今日仙萼之賜何安誤恩之屢覃豈意雕蟲之  
小才反媒登龍之恩寵抽黃對日幾勞帷中之吟哦  
拖紫紆青堪誇簪上之炫耀平生遭遇實從一篇之  
受知前後恩榮何安兩枝之頒賜茲蓋伏遇皇帝陛  
下太平天子中州大人賢俊登庸方軫拔茅茹之治  
政化普洽已著敏蒲盧之休遂推異私亦被賤質臣  
敢不策名盛世合恩聖君供奉筍班縱乏贊襄之譽  
出入禁闈庶效報答之誠

擬唐馬周請必欲爲長久之謀不必遠求上

古但如貞觀之初表

儒生應試

監先王未有過方仰久遠之圖學古人莫如今盍循  
近切之務幽柯不遠周禮在斯欽惟皇帝陛下運履  
升平政比熙皞陋季世膚淺之計為猶孔覃法先代  
經遠之謨每事必問念我聖朝貞觀之政無愧上世  
亨泰之治笙鏞做一代之休猗歟唐虞際斯盛關石  
備百世之則豈可秦漢後并論文德誕敷實績歸馬  
之烈聖謨昭揭克垂貽燕之規何今我后長久之謀  
反求邃古悠遠之世許謨動遵於前代實仰博求之  
誠良法悉備於我朝恐忽近取之義惟聖世深長之

策何遽不如當今日監法之辰捨是莫可肆將法今  
之道冀贊為治之要先民有言若務持久之術成憲  
無缺宜軫近求之方盖一初邳隆之治蔚然可法顧  
百度修明之舉在所當先是謂惟今可師何必於古  
有獲惟上古雍熙之際非無言必稱之謨若初載都  
俞之休詎忽念在茲之道嗟聖人德化之盛固宜溯  
古而取規在明王通變之方端合援今而復舊臣伏  
望納臣蕘說恢聖荃聽深軫治平之要亟講採用之  
道則深猷遠慮奚待三代之治聖烈懿規更覩一王  
之美臣謹當無替建白益勵披丹隨事盡誠縱愧臯

夔之職有懷無隱思追房魏之賢

擬本朝內閣臣謝賜繫馬樹棗箋

庭試殿試

英閣叨班久玷青綾之直禁樹呈瑞遽荷赤心之投  
祥驗開冀寵踰頌橘伏念臣等畫葫小技判花清銜  
恩沾育莪欣逢千一之會才慙視草徒竊十八之譽  
每紆便蕃之私益切頌禱之惓念茲 章陵繫馬之  
樹曾驗辛丑流虹之祥荷昔年栽培之恩清陰覆八  
駿之秣值聖人篤生之慶新枝迓六龍之升邦運屬  
靈長之休常冀枝葉之峻茂物理驗榮枯之候每被  
神鬼之護呵屬舊甲復回於今年而奇徵又覩於嘉

實雨露重霑於老榦頌播周原之綿瓜歲月聿符於  
先朝慶叶漢苑之起柳干雲拂霄之意自此長春貫  
月繞電之祥知在不日豈意瓊顆之初熟猥蒙金盤  
之新頒蓋以枯木之再榮實關休應故侈邇班之遍  
賚特令先嘗口飫清香恩豈止於一飽手攀靈榦慶  
有待於重光惟前兆既同靈著顧新慶如執左契蒲  
天之和氣迓續知應有期落地之珠寶團圓匪直爲  
物禁苑擊檻初非方朔之奇才御席擎苞祇奉周文  
之仙果哺啜之日頌祝又騰茲蓋伏遇 主上殿下  
若草木功如松栢茂羣工被棫樸之化一德誕敷詩

人獻膠木之祥諸福畢至遂推異渥亦及賤姿臣等  
敢不仰荷隆恩俯竭微悃一束之芻言秣縱慚皎皎  
之白駒萬年之枝長榮每瞻纂纂之朱實

擬宋孫奭謝於講說命之日諭以天以良弼  
賚商朕豈獨不得耶表

親試  
癸卯

鑿坡厠跡方感眷遇之隆壁經陪筵猥蒙褒獎之寵  
在心之簡於古有光伏念臣學愧窺斑誠深補衮少  
日志業虛拋董生之十年平生經綸安有趙普之半  
部念際我后夢風沙之日愧蔑微臣作霖雨之才生  
適值於聖時徒仰求版築之念才莫借於異代誰是

調鹽梅之人今時易然縱期軼三代之治古人尚矣  
祇切感千載之思屬當三篇書仰陳益慚一介臣無  
似畫圖之高風已邈莫效啓乃心之功履羶之殊禮  
虛紆謾有誦其書之歎聖德遠邁於殷后宜良佐有  
隕自天魯質不及於前賢顧此人得來何處何圖優  
待之渥特降引喻之音代不乏焉罔有商之專美見  
何晚也豈繫我之獨無蓋橫經進講之辰粗有討論  
之益故側席思賢之念過加嘉獎之恩惟良弼豈易  
得耶顧微姿何曾比是明良之遭遇斯盛想切撫卷  
之宸心都俞之謨猷素疎敢當作楫之不責四海之



玉帛旁召嗟至治何遽不如三畫之鑿與親臨求前  
代亦有是與有榮矣獨不愧乎茲蓋伏遇皇帝陛下  
臨御以來晉賢是務歸馬之治已闡政膺皇天之  
降監鳴鳳之化方期每思吉士之輔翼遂推異渥亦  
被賤姿臣敢不仰荷殊私俯竭微悃尚友千古縱非  
伊傅者流賡歌一堂庶陳堯舜之道

擬唐羣臣賀國子博士韓愈傳語燕趙士謂

以明天子在上可以出而仕矣表

親試

盍歸乎來方仰治象之指日以時則可聿觀賢士之  
聞風君子得輿國人舉笏欽惟皇帝陛下政事無比

聰明有臨英雄盡入於彀中已致拔茅茹之效招徠  
旁及於天下每思守箕穎之賢念至治已遠於唐虞  
而奇士尚多於燕趙金臺之草已沒未見擁篲之高  
風荆市之玉虛拋孰懷彈冠之壯志明良盛際幾待  
黃河之復清慷慨悲歌空傳白石之舊曲屬當岐西  
鳴鳳之日尚稽冀北空馬之休宸心方懋於搜羅想  
聞中國之有聖俠氣每感於興起恐復明時之不知  
吾黨嗟哉今無惜不逢之歎邊土逖矣誰效善爲辭  
之忱何幸博士韓愈爲語安豐董子爲余致意惟我  
后之明明憑君寄音寧伊人之鬱鬱豪傑自歸於真

言苑遺和之卷二  
主何待一言之吹噓風聲遠暨於逸民賴有四海之  
警動是所謂仕則仕矣孰不日時乎時哉百年之意  
氣不衰豈欲抱膝終老千里之肝膽相照佇見携手  
同歸客自何來應傳日下之消息吾從此去寧嘆天  
涯之沉淪彙征之辰蹈忤曷已伏念臣等忝鶚鷺列  
乏夔龍譽待文王興縱愧補衮之職得賢士共粗勉  
推轂之風

擬唐翰林供奉李白謝於白蓮池宴羣臣之  
日不治呼來不上船之罪仍使黃門扶以登

舟表 親試

彩仗阻班罪固訟於耽酌黃門扶醉寵更侈於登舟  
常荷大度之包容自笑傲骨之骯髒伏念臣玉筍冷  
跡金粟後身風流一時虛竊騷壇之聲譽沉酣半世  
漫托醉鄉之生涯偶作華省之縱飲渾昧蓮池之陪  
遊龍舟晚移未同近臣之侍燕兕觥姑酌不省天子  
之謂來杏帘之宿醺未消翻成玉山之自倒華樽之  
法筵初設何處錦纜之徐牽屬倦情強隨於催班而  
狂態自遲於移步綠波纈眼渾忘繡衮之光臨紅潮  
暈顏那辨畫槳之蕩漾黃封是耽祗訟酒中之昧尊  
彩舫欲登堪笑醉後之無力半醉餘興漫思賀老之

換龜三酌不知誰扶山公之上馬何圖不以罪之寵  
遽降使之扶之音清狂不羈何妨醉學士疎放恩禮  
偏曠特許高將軍扶來紫衣掖時恍如天上之坐牙  
檣動處翻思水底之眠始訟杯酌之不勝竊感貂璫  
之是命錦筵與宴實仰聖度之寬容仙仗初攀那免  
醉態之醅酌奉宸遊於臨水携滿玉藕之清香惹豪  
情於倚舷堪誇金鑿之勝事天顏有喜微忱增惶茲  
盖伏遇皇帝陛下開元年間太平天下摸天畫日之  
美梨園曲中需雲湛露之休沉香亭上遂令駑質亦  
被鴻私臣敢不仰答隆知俯竭微悃葡萄十斗縱愧

青蓮之芳名清平三詞粗供紅藥之邇列

擬宋楊億謝賞花釣魚宴之日聞貽館閣詩

即命直集賢院遂預晚宴表講義比較

長纓皆與悵疎蹤之未叅短什登聞荷勝宴之許赴  
俾同夕宴別是天恩伏念臣才非鳳毛技止虫篆少  
日聲譽虛竊一代之文名明時遭逢粵自九陛之親  
試屬近臣共陪於瓊苑而微姿獨阻於花筵恩沾錫  
爵之殊榮爭詫龍池之勝賞跡異登瀛之邇列未叨  
鳳輦之陪遊初筵之魚藻登歌莫遂隨冠冕之願上  
林之鸞花虛負漫切隔仙凡之歎肆將言志之一篇

聊寄與榮之羣彥瓊詞未賡於湛露恨阻尺五天觀  
光華簪競耀於需雲徒賀二三子荷寵情同李宗諤  
之下第只美侍內宴之恩才慚司馬卿之獻詩焉有  
感至尊之望何圖蕪辭之仰徹猥叨法筵之追忝頒  
恩誥於鑿坡更日以直厠新班於瑤席今夕且歡始  
也諸學士昵陪只有望若仙之恨今焉聖天子宣召  
亶出不遐我之衷蓋盛眷推同樂之心豈拙詞媒與  
宴之渥九重之春色方醉實幸天顏之仰瞻八軌之  
晝陰纔移猶喜仙仗之未撤法尊濡首猥廁青瑣之  
仙班宮花挿頭堪詫紫禁之盛會撫躬踧踖聞命周

章茲盖伏遇皇帝陛下右文爲治與衆而樂嘉齊賢  
之獻策金榜題名當呂端之趨筵寶墨垂獎遂推鴻  
渥亦及駑姿臣敢不恭承鳳綸昵侍螭陛歌詠聖德  
幾切祝萬年之忱賁飾太平庶贊軼三古之烈

擬本朝偷膳掖隸三人謝於喉院口供之日

特命不治竊雉之罪仍賜三首雉使各一飽

箋

講義  
比較

罪大竊狐自甘三尺之律恩深頒雉猥荷肆赦之音  
一飽之恩三嗅而作伏念臣等螻蟻跡賤象魏身榮  
以食爲天不過充鼯鼠之腹無物不遂幸沐及禽獸

言苑選和卷二  
之仁顧以鸞掖衣紫之蹤猥竊象譯獻白之物禁門  
之寒漏屢報政屬鷺窺魚之時山梁之滋味先嘗宛  
似鼠盜肉之樣割雞焉用莫效鼎俎之要湯談龍不  
如惟知芻豢之悅我屬當六仙之核實自分一臠之  
抵辜半夜之事無知敢言罹鴻之苦六膳之供甚重  
殆同投兔之窮蟣虱之賤雖微無面可顯犬馬之誠  
莫暴在法難容何圖不以罪之恩特降使之飽之命  
珍羞乍飫何妨齊客之攘雞大庖既盈更軫楚人之  
求雉金門暗嗅未曾切而啗之銀臺一嘗敢曰能復  
食矣豈意食馬之累跡反媒割肉之洪私若論哺啜

之常情果出无妄既犯偷竊之重律豈料曲全丹鳳  
銜來頓忘寒縮龜之苦金馬盛事寧有食無魚之嘆  
茲盖伏遇 主上殿下鳳凰來儀雉兔咸往若草木  
鳥獸永配舜功貢狐狸熊羆奄有禹服遂令鴛質亦  
被鴻私臣等敢不對揚德音供奉邇列焦頭爛額縱  
無嘗膳之方吹薤懲羹粗勉遠庖之義

擬宋民人等謝於上元前一日御樓賜醮遣

黃門宣諭以朕非好遊與民同樂表親試甲辰。

紫闕翹首方切觀光之榮黃門宣音忽推同樂之眷  
恩覆下土時屈上元伏念臣等業治西疇誠深北極

言苑遺稿卷二  
二一  
納銓禹服粗勉供惟正之規稱觥闕堂曾進壽無疆  
之頌顧以九陌瞻羽旄之跡每仰四海樂簫鼓之休  
康衢之煙月長瞻久效願爲氓之悃周圍之芻蕘與  
共實感樂有衆之恩烹羊社村不過野夫之自樂釣  
魚御苑漫美詞臣之同陪屬當傳黃柑之令辰獲觀  
臨翠華之盛舉節近金吾之夜弛端門萬枝喜深玉  
輦之天回大酺三日黃昏逢美祗幸耿光之欣瞻蒼  
生同歡舉仰宸遊之爲度何圖紫衣之來諭忽蒙玉  
音之俯宣五夜張燈之筵非我樂此萬姓扶杖之地  
與民同之清時勝遊惟宸衷亶爲黎庶此夜樂事嗟

吾屬何答昇平采深愛日之忱誠齊聳如雲之士女  
并四橋之清光如晝畱近三元佳宵尺五天之歡聲  
若雷迺得一春和氣上陽一曲堪陋唐宗之俚音方  
春十行絕勝漢家之寬詔茲蓋伏遇皇帝陛下奎華  
膺運玉燭調元殿壁貼圖恒軫無逸之訓禁苑觀麥  
克察力穡之方遂推由中之眷亦被在下之微臣等  
敢不仰戴鴻私俯竭駑質有喜相告旣被雨露之恩  
何福不宜願獻岡陵之祝

擬唐河南叅軍韋宙謝覽元和實錄諭宰相  
以韋丹有子否可與好官表

親試

墜令緒於舊家方抱泣零丁之痛考治績於遺史猥  
荷官厥子之音俾後克昌以先之故伏念臣京兆賤  
族河南末官關節無求粗聞李觀察之母訓世德不  
忝敢擬魏補闕之祖風竊自念先父臣治民綽然爲  
元和間循吏闢屯田而勸種茶麥三農之利澤均沾  
教陶瓦而用代茅茨八州之仁聲普洽廉平郡績可  
想二千石惟良去思民謠迄至四十年不絕嗟美蹟  
昭載國史顧遺孤奈墜家聲東觀之汗簡尚畱固當  
爲吏若是南國之甘棠謾想竊愧在子惟余同劉昆  
書策之名縱著河渡虎之政乏定國繼緒之譽實無

門容駟之望何圖覽前史之辰特紆有後嗣之問此  
固良吏實有乃績之可觀吾且尊官未知其子之在  
否惟先臣製錦之績謂有汗青之記功以重宸表旌  
之衷特許龔黃之錄後上雖詢故家猶有存者臣敢  
當好爵吾與縻之吳公之績最多尚有歌思之不泯  
陳仲之後將大可謂存沒之俱榮嘉乃不忘縱侈勒  
石之盛典肯曰有嗣實愧冠鐵之崇班感極私心榮  
及旣骨茲蓋伏遇皇帝陛下運履亨泰治比貞觀褒  
忠良於列朝賞必延世懋公平於庶政官不及私遂  
令駑姿亦被鴻渥臣敢不竭其魯鈍奉以周旋爲子

克家縱乏匹先休之譽居官盡職庶勉匡乃辟之忱

擬本朝抄啓文臣李勉兢金啓洛金熙朝成

種仁等請治諸文臣應製不致慎之罪俾知

朝家勸課之本意箋

課試

教亦多術方仰作成之休文莫猶人盍示勸戒之道  
蓋欲責備宜使知懲恭惟 主上殿下作君作師允  
文允武奎運初啓文教煥黼黻之治午暉方舒至化  
挽笙鏞之盛顧今諸臣講製之法實出我后勸課之  
恩一字之褒屢勤幾垂踰袞之華獎三長之技或短  
亦有發緘之常規育莪恩深徒致一時之艷誦畫葫

樣拙每煩三旬之課程第羣下莫體聖心伊諸作自  
速重戾宣御墨於半夜蒼黃百句之追呈定試期於  
來朝顛倒三僚之問啓奏御之文甚重顧斯人豈欲  
慢驕詔誥之體不成而厥罪恐歸怠忽肆將相勉之  
意冀示知勸之方烏無罪乎倘施董飭之舉猶賢已  
也宜知激勵之圖詞場有得失之時實愧郵罰之倖  
迨清朝貴規警之美敢顧僚案之細嫌奚但爲聖明  
朝玉成之休蓋亦出諸詞臣簪盍之戒不過文字上  
微旨固知匪怒伊教既有節目間新規寧容始勤終  
怠聖恩偏荷於提誨孰不銘在中心人情易忽於偷



安恐未率入穀內臣等伏望深留聖意俯察愚忱亟降誨責之音俾有勸懲之效則橫經楓陛庶播真學士之譽操觚花甌寧有美老卒之歎臣等謹當朝吟暮誦夏禮冬詩才漸演綸縱叨十四人榮選誠切補衮思贊千一載盛治

擬本朝高陽民人等謝於獻筐之時諭以物既不腆誠足可嘉不受足矣不必治猥屑之

罪仍命畿營慰諭以遣箋

課武比較

為此以介壽也猥效進獻之忱可嘉不足罪焉忽降慰諭之命免罪已幸不受亦榮伏念臣等以蚩蚩氓

值熙熙世澤偏畿甸同被租賦之蠲居近喬陵每瞻羽旄之美屬下邑幸臨清蹕而野人妄晉懿筐瞻翠華載路之儀鸞旗戾止收黃雲滿野之色花糕獻于君門天深莫效稱觥之壽行殿秋晚欲表獻芹之誠第緣鄉俗之樸愚遽被縣吏之呵退朝廷之禮貌何識嗟我小人村野之賤忱莫通奈彼衛士效唐民挈果之悃非出徼惠于恩之心異宋人負暄之蹤難免犯分越禮之罪何圖鑾聲之少駐特蒙玉音之俯宣此物奚為無怪禮儀之或昧其誠足尚豈復罪罰之是加蓋聖上寬容之仁曲察幽隱故按使宣布之舉

壽齋遺稿卷二  
特令解還感結楓宸之恩私榮動花田之父老今年  
多黍多稌何嘗一飯敢忘農家有酒有肴是知粒米  
皆賜扶杖聽詔始覺禮野而意真夾路携筐還愧物  
薄而情厚茲盖伏遇 皇上殿下布漢帝惠有周文  
仁凡民生憂樂之微無事不燭亦公家取與之際於  
義皆當遂推察眉之恩特紆敷心之詔臣等敢不爾  
疆爾界不識不知受一塵而分居罔懈畿服之貢禹  
祝五福而爲壽願效華封之頌堯

擬本朝羣臣等賀於甲辰八月二十九日御  
仁政門受朝叅諭以是年是月是日臨是門

受是朝寔寓踐位行禮之意箋

課講  
比較

明堂出治仰大德之受祿端門騰賀喜縟儀之遵先  
昔嘗行之于有光也恭惟 主上殿下不置舜孝不  
顯文謨周廟上進號之儀鴻休稱述漢儲舉封冊之  
典燕翼昭垂念昔龍御闢四門之初迺有鵷班會百  
官之禮丹辰膺握璫之位太歲在辰紫禁引呼嵩之  
班臯門有伉堯階之奠莢啓運肇基五紀之至治漢  
殿之劔珮趨朝尚傳一初之盛事迨舊甲重屆於卽  
阼而 宸孝倍深於紹庭 睿慕益篤於羹墻鳳曆  
回光御之歲邦基永鞏於磐泰龍樓藹如見之思中

言補遺和卷二  
秋之霜露新濡舉切於不忘之悃良辰之日月非偶  
佇覩若厥初之儀肆以肯構之 聖衷果行臨門之  
朝會禁門移仗固知邦禮則然此日接寮咸頌前聖  
同揆蓋 聖上紹述之孝恒軫隨事而監先故仁政  
接見之辰特諭踐位而行禮凡今搢笏而立鵠孰不  
攀綸而抃鰲螭陞瞻冠冕之儀前甲後甲鶴禁播星  
海之頌今年何年周臺八窻非無會朝之所晉筵三  
晝尤深卽地之思伏念臣等俱以駑姿幸逢鴻運才  
慚補袞縱蔑日贊之譽誠深祝華祗效雲賀之悃

擬漢沛中父老等謝於駕過沛中之日作大

風歌令里中兒和習之表

禁直諸  
臣應製

雨露承渥方深凝翠華之榮雲漢擎章猥荷和白雪  
之寵歌有思也童而習之伏念臣等桑梓帝城狗屠  
賤伍塵埃識表幸同泗上之村謳歌思歸堪笑江東  
之老念吾屬昔伴騎竹而今日欣瞻羽旄吹笛散楚  
帳之歌馬上天子迎鑾奏堯衢之曲龍潛故人黃袍  
新儀皇帝之貴始識白榆舊社生長之村與榮居然  
蘭臺披襟之筵翻成薰殿撫絃之什金宮之酒酌彼  
四海八年鈇筑之聲穆如一唱三歎需雲之華筵獲  
忝堪作里巷之傳誇咏風之瓊章新騰奚止父老之

爭誦那知一堂之宸藻亦入羣童之俚詞風風存繫  
 桑之圖莫曰此曲寡和聲聲傳吹蔥之闕寧歎童子  
 何知帝心方戀於歸鄉為慣沛人之聲譜宸詞本合  
 於誦瞽奚取里兒之謳歛榮邁周邦之詩陳喜深虞  
 廷之賡載草上之化方洽回婦孺皆誦豐功蘋末之  
 聲咸吹而子弟幸聞新曲齊統楚紆非無大風之被  
 絃牧吟樵謠長見小兒之拍手茲蓋伏遇皇帝陛下  
 提三尺劍定一戎衣雞犬豐宮至歡供萬乘之養龍  
 蛇沛澤奇瑞說五雲之隨遂令就日之蹤亦被目天  
 之寵臣等敢不歌詠聖澤對颺仁風兵間驅馳縱蔑

汗馬之微績里中絃誦庶效附鳳之初心

擬本朝抄啓文臣李楙謝於改名之日諭以  
 四改名字字義音響俱不若舊名仍以晴字

名之箋課講比較

鑿坡厠跡方霑作人之休奎閣頌音猥荷錫名之寵  
 晴亦佳矣名言在茲伏念臣花石舊居喬木遺裔芹  
 宮唱第名已占於龍門文陛橫經才實疎於虫篆念  
 無似既係瑤籍而改名屢煩旒聽就日之微誠方深  
 改之為貴自天之溫音屢降必也正名講席承恩許  
 做簪纓之舊譜蘭臺頌堪作縉紳之美談第緣字

義之甚艱自致新名之屢換聖眷軫錫嘉之念縱切  
不憚改之忱賤名無思義之資奈多莫如舊之歎四  
改名字顧微姿亦昧適從百無肖能而殊渥敢望財  
擇何圖天曹之啓帖遽荷重宸之恩言音義無稽奚  
取四箇改汝形韻稍順庸畀一字名吾事同衛青之  
命名快定稱號跡異日禪之賜姓別是榮光始切字  
貴金之嘆今媒褒踰袞之寵青雲之桂籍自致敢曰  
名下無虛日邊之華誥新擎罔非惟上所命操觚署  
字幾被無名之譏攀綸誦恩奚止記姓之幸茲蓋伏  
遇 主上殿下皇建有極民無能名陶一世於作成

菁莪樂育叙百工於熙皞茅茹彙征遂令駑姿亦被  
鴻渥臣敢不仰戴隆眷俯竭微忱讀書十年縱乏華  
國之譽揚名一代庶殫補袞之才

擬周羣臣賀有聲表 親試

亶聰明作后方仰文謨之入人不顯德其刑聿覩仁  
聲之播頌使繼聲也可觀詩乎欽惟我后邦舊命新  
重熙累洽仁風普訖西岐致鳳鳴之祥惠化旁流南  
籥奏象成之譜念聖王懋昭大德而令聞必得其名  
虞史贊被四之光安安文思殷宗做咸一之治赫赫  
厥靈馨香上升縱有民無能之歎聲教東漸自致邦

必聞之休猗我后不大色聲而德音是有譽處體上天無聲之載恒勉烈假之不瑕承先后克明之音宜見義問之孔暢固知丕顯之烈豈以聲音爲哉惟彼不識之民亦贊緝熙敬止果然四方之綱紀爰見八章之形容厥德不回可見詩人之善頌其音於穆益仰文治之有聲黃流想金玉之相幾年龍德之斯普黎民頌鳶魚之化今日駿聲之彌長是所謂令望令儀孰不仰乃文乃武大樂奏日聞之美休有烈光昭代頌風動之功思皇多士岐岑豐水誕敷烝哉之歌宵雅幽詩摠是穆如之頌伏念臣等俱以駑質幸際

鴻休斷斷無他縱乏贊襄之譽欣欣有喜粗勉頌祝之忱

擬本朝羣臣賀於臘日御春塘臺兼行抄啓  
文臣講製宣傳官射陣諭以每年歲終輒行  
文武勸賞之舉而今日卽蜡日也寔寓古聖

王一弛一張之意箋

親試

序屬嘉平方仰授人時之化禮行試講誕敷遵古訓  
之音頌綸之辰措笏而已恭惟 主上殿下璿璣齊  
政玉燭調元啓千一之昌期肇闡摛文秘閣教十八  
之神藝親製肄陣總方言念我后并文武之規寔追

言齊通利卷二  
古聖一弛張之道三旬之課常設射以觀乎一日之澤必須教多術也揆文奮武每軫固邦本之要夏禮冬詩亦寓順月令之義屬令節方屆於夏蜡而試射兼設於春塘鳳樓觀奪袍之才事同唐宮嬪呵筆龍韜試穿札之妙化著漢羽林通經英才咸登舉仰作成之效歲華漸暮合有優游之方果然對時之宸衷乃有倣古之溫諭賜酺薰殿以其時則告成設試漢庭謂此日之足樂三白報康年之瑞政屬役車之其休一豫仰聖人之心實合朝紳之少逸咸日以永今夕是謂喜深同朝惟諸臣較藝之微何關王政顧

重宸察時之要動遵聖謨化洽鳶魚六藝之教誨不倦榜登龍虎三場之能事亦成伏念臣等職叨演綸才慚學劔文韜武略縱非干城之才暮誦朝吟庶贊黼黻之盛

擬宋著作郎張方平謝於召試館職之日諭  
以是非兩策制科者乎何試也命直集賢院

表

親讀  
乙巳

臣無技耳方感置上第之私我其試哉更紆直賢院之寵恩出格外光動榜中伏念臣杏園新榮筍班清選隨計京國漫催杜少陵行裝讀書禁林初無揚太

言齋遺稿卷二  
年風采顧以丹桂借一枝之願猥占黃甲制兩策之  
科昕庭對斜日之暉愧非賢良舉子太史奏彩雲之  
瑞哀然忠孝壯元射策君門喜屠龍之遂志待詔秘  
省知攀鳳之有期屬當賢館之選英廼有文苑之更  
試青綾試演綸之手縱有冠一榜之名紅藥觀落筆  
之才始許判五花之列詞賦之才見賞榮已極於闡  
科深嚴之地當居禮敢緩於呈技何圖除試之宸眷  
遽蒙就直之溫音題汝鴈塔龍門曾識兩科聯捷上  
我玉堂金馬何拘三試常規騷壇舊聲不待螭頭之  
下筆藝苑華誥已許豹直之橫經豈意蟲篆之小才

反媒鑿坡之殊寵天人之大策曾對未有董廣川直  
言瀛洲之崇班獲登敢比李供奉草詔三場魁甲尚  
簪花之在頭一條冰銜導蓮燭而歸院茲盖伏遇皇  
帝陛下太平天下慶曆年間東廳延文學之儒朝登  
四賢之頌西崑變駢儷之體人誦兩漢之詞遂推非  
常之私亦被無似之質臣敢不俯竭鴛鴦鈍仰答鴻恩  
祝草蘭臺縱茂煥黼黻之譽校書藜閣庶殫補衮衣  
之誠

擬唐翰林學士柳公權謝於御筵賡詩之日  
覽薰風自南來殿角生微涼之句屢加稱賞



授簡華筵方陪日萬幾之暇題詩禁壁猥荷風肆好  
之音操觚之辰歛衽而謝伏念臣班聯視草才慙煥  
猷志在匡君曾有舉筆之諫思深賜對常記撤燭之  
榮屬承薰宮撫絃之章獲厠蘭臺披襟之列黃道赫  
中天之照宸詞存惜陰之工青綾試直夜之臣賡詩  
觀畫日之手聽漏金殿誰識撫三光之心落筆鑿坡  
爭效成八乂之技倬彼攀雲之席冷然御風而行花  
輒近五雲之光夏日方午薇架噓一團之氣清風徐  
來馳遐想於浴沂縱有遇境而言志贊至化於偃草

仍命書諸壁表 親試

敢云因詩而獻規何圖諸學士和詩獨蒙聖天子垂  
獎知風之自頓覺履羶之迎涼勅天惟幾更看殿壁  
之生色紅竿駐金烏之馭已仰四海之光臨青蘋動  
畫燕之高政合萬品之敷潤那知三疊畫葫之語反  
媒九重踰袞之褒追漢祖之作歌祗欲少裨螢爝異  
揚子之獻賦何安獨被龍光香颯拂衣翻成彩箋之  
清爽御墨揮翰勝似碧紗之籠蔽茲蓋伏遇皇帝陛  
下金華晉三璿璣齊七五紀年月喜深國泰民安一  
堂風雲頌騰主聖臣直遂令賡載之列亦被穆如之  
風臣敢不黃麻六經丹誥五判月露播咏縱愧近尺

天之恩斯夕陳箴粗效宣八風之悃

擬唐虞世南謝諭以行秘書表 親試

鑿坡厠蹤榮已極於陪駕芸閣頒諭恩更侈於典書  
踰袞一言歛衽百拜伏念臣學未通曉生丁聖時筆  
振蓬山華獎辱五絕之譽身登瀛府冰銜叨一條之  
榮顧無桓生稽古之能猥忝陸子校籍之列隻日鎖  
持綾之直青編莫窺乎汗牛十年無下帷之工素技  
難辨於亥豕蘭臺石室縱有文字之受知香帕牙籤  
實愧顧問之無補屬當西幸啓八鑿之日將隨東觀  
載五車之行官玷秉筆之榮幸備法駕之陪扈書是

載道之具政須行殿之討論萬乘豫遊那無龍御之  
載籍二府咸往誰效馬上之說詩何圖九重之殊私  
猥荷三字之宸諭知斯人之博學安用副書幸今行  
之從予卽一秘省盖微臣窺管之見粗有記誦之能  
故今日扈蹕之辰庸畀考據之任是何面墻之謏學  
反媒腹笥之隆褒昔焉四庫之貯書尚患經旨之莫  
透今當六飛之在路敢效清問之仰承內府緝函入  
則紅藥仙吏屬車瓊笈出爲青藜秘監茲盖伏遇皇  
帝陛下蓮開貞觀業撫亨泰延宿儒於東閣賢俊滿  
朝試清詞於北門英雄入彀遂令駑質亦被鴻恩臣

言苑遺利卷二  
三十四  
敢不俯竭微忱仰答殊眷一介無似縱乏煥猷之譽  
三晝叨陪庶贊右文之治

擬宋羣臣賀趙抃知越州之日米價踊貴獨  
揭榜衢路令有米者任增價糶之於是諸州  
米商輻集米價更賤民無飢者表親試。

周宮日中方仰食不遑之治越市雲集聿覩粟自賤  
之休有司則存不勞而食欽惟皇帝陛下寅御乾極  
子惠困窮納銓邦畿供苗米之惟正發運淮海頌茶  
稅之克蠲頃緣越州之告饑以致米商之征利東南  
之財已竭縱有倉發紅之方關市之禁徒嚴難免粟

如玉之歎斗斛翔貴槩緣大賈之不來甌石匱空轉  
致民生之日困屬趙子膺求芻之任伊新政有揭榜  
之規通衢令寬先祛遏糶之禁太倉稅除皆有蔽市  
之心惟諸州專權之辰獨得貯穀之要嗟一方涸轍  
之命庶有裕食之望果然穀更賤之休乃有民無飢  
之效輦輸舟泊爭集浙米之長腰士飽婦炊殆同明  
珠之無脛蓋知州救荒之政深體宵旰之憂故今日  
生穀之方能無顛頽之患奚但一州之拯活實仰九  
重之委毗良吏素諳治規安得斯民之盡濟賈豎喜  
趨小利終見物價之自平如坻如京四野無庚癸之

言齊遺利卷二  
三十一  
歎多黍多稌八彩寬乙丙之心伏念臣等俱以鹵姿  
幸際昌運萬幾日贊縱乏佐治之才四海年豐願效  
安民之策

擬漢張良請借前箸箋

親試

天所授也方仰不喪匕之休誰爲畫乎盍循請借箸  
之願安危所係銷刻何嫌恭惟我后周衣一戎虞聰  
四達斬大蛇於沛澤金刀啓基納豪士於山東赤幟  
應識念六國刻印之舉非一介運籌之謨收黃圖於  
關中纔成提劍之烈裂青茅於天下此豈頌瑞之時  
無功濫封已非韓侯葢袴之意齋兵藉盜恐生楚子

問鼎之心屬微臣前席之辰而大王投箸而問身處  
帷幄寧誤勝敗之大機計在錐囊思效贊畫之愚悃  
撓權之淺謀已揣不待兩言而决知奮椎之餘策尚  
存詎無一着之可賭願借咫尺之地悉陳方丈之前  
錯落盤中如蒙玉箸之推賜縱橫席上庶贊金韜之  
揣摩聖度本懋於轉環幾誤伏軾之三寸微誠自切  
於納牖何惜對案之一雙苟欲運萬全謨莫如執兩  
端用戎機不厭於密勿實有八難之嘆紆籌默運於  
偶奇願效一得之智灞上奉璧忍言置俎之困危兵  
間捐金又有吹笛之奇計臣言非妄王請勿疑臣伏

望加聖周思納愚陳達亟降賜箸之命母至失機之  
嘆則四海咸歸永絕樹兵之慮羣策畢舉可期草昧  
之功臣謹當益勵披丹母替建白從事矢石縱乏沂  
馬之勞托契塵埃庶贊持鹿之業

擬周呂尚進璜箋

親試

作金用汝方仰得賢共之休有玉於斯敢效獻王所  
之烟無脛而至拜手以陳恭惟我后烈假不瑕惟賢  
爲寶承公劉佩瑤之烈至化普覃叶渭梁造舟之徵  
嘉禎疊見念微臣鈞得璜之美卽聖朝瑟彼瓚之祥  
丹書膺瑞世之符事同鳥跡之篆縮蒼籙著受命之

本宛驗龜背之負圖芳綸乍垂可見神物之呈瑞尺  
素中有寧曰此鈞之無心不敢抱玉而自珍忽荷戈  
帛之親枉三千之直鈞纔捲實感載車而俱歸九五  
之風期暗親詎合韞櫝而待賈匪熊入夢固仰抵壁  
之治揚鷹有期敢緩執贄之禮茲將懷袖中珍瑞庸  
陳黈纘下親監靈貺潛周此殆所授天也景命新集  
時則可以王乎蓋我家萬年之祥已徵入鈞之美故  
今日徑寸之寶要作藉手之資奚爲此物至哉必有  
聖人興者惟孚尹旁達之氣足稱賁時之休猗純一  
緝熙之工亦爲比德之物岐陽鳴鳳將見赤琮之迎

言齋遺稿卷二  
三十一  
祥磻溪觀漁不復白髮之照水收漁人利作王者符  
伏念臣非二三豪際千一會乏需世之韜略縱愧握  
瑜之賢聞養老之仁風庶贊垂衣之治

擬宋羣臣賀嘉祐多士歐陽脩之功表


課試

聖后籲俊方仰入穀之休宿儒持衡聿致作楨之盛  
吉士生國座主與榮欽惟皇帝陛下茅茹彙征菁莪  
樂育承大中祥符之烈五星聚奎任韓琦富弼之徒  
四賢登頌言念周庠豹變之美實係虞胄蛾述之方  
陸內相之制科時人誦龍虎之榜韓博士之入學諸  
生無魚魯之譏賢士蔚興縱緣作成之化禮維廣搜

亦在鑑別之明時有好箇歐陽乃掌清朝貢舉白日  
拾字試院延東廳之賢朱衣點頭文體洗西崑之陋  
扶正學而黜滌藻無患有司之不公脩清文而煥皇  
猷佇見多士之輩出果然袞袞登之日聿見藹藹多  
之休賢俊登庸喜嘉祐之稱盛才彥培植知學士之  
有功得來三策之良可見推轂之美放出一頭之地  
庶無遺珠之嘆奚但考官之得人實仰聖朝之作士  
惟焚香默禱之效寧歎岐西之鳳不鳴伊懷瑾願立  
之休咸誦冀北之馬爭至玉堂金馬咸來探花之少  
年黃閣槐扉盡是秉樞之君子伏念臣等被駿髦化

愧駑下材賢人在朝縱乏得輿之譽景運啓治粗效  
舉笏之忱

壽齋遺稿卷之二



三六



